



ქედის მუნიციპალიტეტის საკრებულო

განკარგულება №73

2012 წელი 29 ივნისი
დაბა ქედა

ქედის მუნიციპალიტეტის ადგილობრივი ბიუჯეტიდან სპორტული ღონისძიებების დაფინანსების ერთიანი ნორმის ოდენობის განსაზღვრისა და თამდევი სამართლებრივი შედეგების განსაზღვრის შესახებ

„ადგილობრივი თვითმმართველობის შესახებ“ საქართველოს ორგანული კანონის 22-ე მუხლის პირველი პუნქტის „მ“ ქვეპუნქტის, საქართველოს ზოგადი ადმინისტრაციული კოდექსის 61-ე მუხლისა და აჭარის ავტონომიური რესპუბლიკის მთავრობის 2012 წლის 05 ივნისის №90 განკარგულების შესაბამისად ქედის მუნიციპალიტეტის საკრებულომ გადაწყვიტა:

1. განისაზღვროს ქედის მუნიციპალიტეტის ადგილობრივი ბიუჯეტიდან სპორტული ღონისძიებების დაფინანსების ერთიანი ნორმების ოდენობა თანახმად დანართისა.
2. ქედის მუნიციპალიტეტის გამგეობის საფინანსო სამსახურს (დ. დიასამიძე) დაევალოს ქედის მუნიციპალიტეტის 2012 წლის ადგილობრივი ბიუჯეტის კორექტირების დროს გაითვალისწინოს წინამდებარე განკარგულების პირველი პუნქტის შესაბამისად ქედის მუნიციპალიტეტის ტერიტორიაზე სპორტული ღონისძიებების ფინანსური უზრუნველყოფის მიზნობრივი პროგრამაში წარმოშობილი სხვაობის შევსება.
3. ქედის მუნიციპალიტეტის გამგეობის განათლების, კულტურის, სპორტის, ტურიზმისა და ძეგლთა დაცვის სამსახურმა (თ.დიასამიძე) უზრუნველყოს განკარგულების ამოქმედებასთან დაკავშირებით შესაბამისი ღონისძიებების გატარება.
4. ძალადაკარგულად გამოცხადდეს „სპორტული ღონისძიებების მონაწილეთა დღიური დაფინანსების ოდენობის განსაზღვრის შესახებ“ ქედის მუნიციპალიტეტის საკრებულოს 2011 წლის 15 თებერვლის №01-20/9 განკარგულება.
5. განკარგულების დაინტერესებული მხარეთათვის გაცნობა უზრუნველყოს ქედის მუნიციპალიტეტის საკრებულოს აპარატის უფროსმა მ. დიასამიძემ.
6. განკარგულება ამოქმედდეს ხელმოწერისთანავე.

საკრებულოს თავმჯდომარე

ზადრი დიასამიძე

დანართი
„დამტკიცებულია“
ქედის მუნიციპალიტეტის საკრებულოს
2012 წლის 29 ივნისის
№01-20/73 განკარგულებით

ქედის მუნიციპალიტეტის ადგილობრივი ბიუჯეტიდან სპორტული ღონისძიებების
დაფინანსების ერთიანი ნორმების ოდენობა

1) სპორტის სფეროში გამართული ღონისძიებების დაფინანსების ნორმები
განისაზღვროს შემდეგი სახით:

ა) დღიური კვების თანხა:

ა.ა) სპორტსმენები – 15 ლარი ერთ კაცზე;

ა.ბ) მწვრთნელები – 15 ლარი ერთ კაცზე;

ა.გ) მსაჯები - 15 ლარი ერთ კაცზე;

ა.დ) ტექნიკური პერსონალი – 10 ლარი ერთ კაცზე;

ა.ე) სამედიცინო პერსონალი – 10 ლარი ერთ კაცზე;

2) შიდა ღონისძიებებზე – ქვეყნის შიგნით, ეროვნული შეჯიბრებებისა და სასწავლო –
საწვრთნო შეკრებებზე სპორტული დელეგაციის საცხოვრებელი ფართის დაქირავების
ხარჯი დღე-ღამეში ერთ კაცზე განისაზღვროს არაუმეტეს 50 ლარისა.

